



Kerneier Lyrik

Seite 1

Knecht

Wann's ko Ross hätt gewe... von Peter Gärtner

Jedr Knecht un Baurebuu
Hott als ersches in dr Fruh,
Var ob'r an's Fruhstucke hott g'denkt,
Die Ross gfudert, g'putzt, un g'tränk.
Dr Stall sauwr ausgmischt,
Frisches Stroh gholt an dr Trischt.
Var dr Stalltiir schee g'kehrt,
Ja, die Ross waare uns des wert.
Ihr liewi un barmherzichi Leit!
Hätt es ko Ross gewe in selre Zeit,
Hätte die Leit misse dr Ackrplug ziegje
Un die Fechsung mit dr Scheibtrugl hoom schiewe.
Die schwer Arweit henn's allimeischt
Bei uns dr hoom die Ross gleischt.
Beim Ackre, Sach- Hoom- und Abfiihre
Henn des die Ross am meischte gspiere.

Mit dr Ross war alles leichtr gwest,
Is'mr uff dr Waage gstiege un uff dr Fedrsitz gsetzt,
Am Zohmrieme g'zoppt und „Tjii“ gsagt
Un schun henn die Ross oo'g'zooge und sin losg'trappt.
Mr sagt a Ross hott ko V'rstand und kann nett redde,
S'is a nett fromm, drum tuts nett bette.
Wam'mr am awr in die Auge odr zuschaut,
Wie's dr Hawr un dr Kukruz kaut,
Wam'mr's strachlt an dr Kammhaar,
Noot waas'mr un gspiert sogar,
A Ross is gutmiedich un dankbar.

In dr Biichr steht bloß heint gschriewe:
Noch am Krieg hott'mr uns Schwowe v'rtriewe.
Vieli Landsleit wäre heint nimmi am Leewe,
Hätt's domools bei dr Flucht die Ross nett gewe.
S'is doch werklich wahr un nett glooge,
Die Ross henn uns mit am Waage in die Freiheit g'zooge.
Wann jemand zwanzich Automobil neewr oo Ross tät stelle
Un wisse mecht, was ich am liebschte hann tät welle,
Ohni zu similiere un lang noochzudenke,
Tät ich des Ross nemme, erscht fudre un noot tränke.
Die scheene Automobil, wu viel Geld koschte,



Kerneier Lyrik

Seite 2

Knecht

Die kennte vun mir aus alli zamm v'roschte.

A wahri Gschicht vun oohme Knecht... von Peter Gärtner

Dr Toni, vun dem jetzt die Redd is, hott als klohnr Buu alles durchgmacht, was a Buu abhärte tut. Wie er in die zwatt Schul is gange, hott sei' Vatr in dr Erschti Weltkrieg misse. Er is in Galizien gleich beim erschte Sturmoo'griff vun ohnre Schrapnell so blessiert warre, dass'r do droo'

gschtarwe is.

Un weil dr Toni noch drei Gschwischtr hott ghat, is seinr Mottr nix weitr iwrich g'bliewe wie so viele Kriegrwittweiwr in's Gmoohaus un zum Schuldirektr zu geh' un hott dart so lang oo'ghalte, bis sie ihre Buu aus dr Schul rausnemme hott derfe un ehn zu dr Raaze far Sauhalter v'rdiengt hott; so, dass sie oo' Essr wennichr am Tisch hott.

Sunntags henn die Schweschtr a sawuri Katjer (Unterhose) un a sawures Hemmet uff dr Sallasch (Gutshof) misse bringe, wu dr Toni g'dient hott.

Wie dr Toni 13 Jahr alt war, is'r hoomkumme. S'erscht waar'e zwaa Jahr bei ohme Bauer Kloo'knecht un noot waare, bis'r zu dr Saldate hott misse, Großknecht.

Ob ohnr Kloo- odr Großknecht war, fleißich, ehrlich, v'rläßlich un akurat hottr sei' misse.

S'hott awr a Knechte gewe in Kernei, die do drzu aa noch schlau waare.

Dr Toni, vun dem die Redd is, war ohnr vun denne Schlaue. Er hott sich niemools zu Leit hie' v'rdiengt, wu's Feld so nooch am Darf ghatt henn. Weil bei denne hott'mr beim Sach-Nausfahre- un Sach-Hoomfahre so oft uff- un ablade misse. Am Toni waar's am liebschte, wann dr Baur, wur'e sich hie' v'rdienge hott welle, sei' Feld ganz weit uff am Djulafalvr, Sambaremr- oder Siwatzr Hottr ghatt hott. So, dass'mr beim Mischt-Nausfiehre un Stroh-Hoomfiehre hechtschens zwaa-dreimool fahre hott breiche. Er hott die meischt Zeit uff am Fuhrwerk hocke un durch die Gegend kutschiere welle.

Des hott awr a noch a anres Fartl (Trick) ghatt. Wann z.B. Sunntags oweds in dr Wertsheiser Feierowed war un dr Toni sei' Mensch (Freundin) hoomgfiehr un a Weil g'bärschtlt hott ghatt, hott's als oft schun uff dr Kercheuhr halwr zwaa gschlaage bis'r hoomkumme is un sich ins Fudrheisl glegt hott zum schloofe.

Awr vun dem starke Tuwak, was'r allweil graacht hott un vum Gaudr Wert sei' gute Wei', wu er so gern g'trunke hott, do hott sei' Schädl g'brummt un wehg'tunge, dass'r gmohnt hott, sei' Herrnschal v'rplatzt. Oft is's varkumme, wann sei' Herr ehn um vier Uhr hott wecke welle, do war dr Toni noch gar nett ei'gschloofe. Un noot waars gut, wann'r an ohme solche Montag Mischt fiehre hott misse. Wann'r noot mit'r Mischtfuhr in dr Djulafalvr Strooß war, die Ross henn noot vun ganz alloonich gwisst, wu's hergeht, also an wellem Quanneweg sie nei'biege misse un an wellem Stick Feld sie oo'halte selle. Un deswege hott dr Toni in allr Ruh dr Zoomrieme an dr Leixekopp ghängt, die Peitsch ins Peitschetäschl gsteckt un sich im Bunde (Fellhaarumhang) umgleegt un gschloofe wie a Raaz, vun unne waars jo eh schee' warm. Wann dr Toni sich an Neijahr a anre Platz gsucht hott, hott'r allweil erscht ausfindich gmacht, ob's bei denne Leit, wu er sich hie' v'rdienge hott welle, zum Mittag- un Nachtessse aa a Flasch Wei' uff dr Tisch kummt odr bloß so a Häfl voll lebsches Brunnewassr. Dr Toni war



Kerneier Lyrik

Seite 3

Knecht

oo'fach dr Mooning, dass zu oohme kräftiche Paprikasch a paar Schluck gudr Wei' viel bessr schmeckt, wie so elendiches Brunne-odr Artesiwassr.

Wie die allrmeischte Buuwe hott'r Toni zu dr Serwe ei'rucke misse. Vun seinr Militärzeit, also vun denne 18 Monat, wu er in Alexinaz bei dr Atlerie g'dient hott, do hott'r viel Intressantes v'rzähle kenne. Uff die letschte zeh' Monat, wu er g'dient hott, waar'e sogar stolz druff. Do is'r nemlich beim Divisionskummandeer Putzr gwest. Wann sei' Kumrade in dr Rosstall henn misse geh' die Ross fudre un putze, in der Zeit hott'r sei' Ausgehmunter oo'g'zooge un is in die Stadt, wu dr

Kummandeer un sei' Frau gwohnt henn.

Er war awr nett bloß zum Stieflputze do, alli Haus-Hof- und Gartearweit hott'r gmacht. Sogar uff dr Wochemaarich is'r als Grii'zeich ei'kaafe gange. Un des allrschennschti drbei: Die Frau vum

Kummandeer hott perfekt Deitsch rette kenne.

Die Eltre vun ihr henn in Slowenien gwohnt un weil ihr Vatr Österreicher war, hott'r sei' Tochtr paar Jahr in Laibach (Ljubljana) in die deitsch Schul gschickt. Un wann dr Kummandeer in dr Kasern war un sie Zwaa waare allonich im Haus, noot henn die Zwaa allweil nar deitsch gred. Noch am Toni seinr Redd nooch, muss die Frau vum Kummandeer a gutes Weib gwest sei'. Sie hott drfar gsargt, dass dr Toni zwaamool in Urlaub hott fahre derfe. Oo'mool vier Woche im Schnitt und oo'mool vier Woche im Ruwerausmache. Am Toni sei' Mottr hott sich riesich gfreit un aus

Dankbarkeit hott sie jedesmool a großes Paket mitgschickt, mit Gulaatsche (Kuchen).

Wie dr Toni vum Milliteer hoomkumme is, hott'r gheirat un gleich mit Seihandle oo'gfange.

Serwisch hott'r perfekt kenne un die Raaze Salläsche hott'r gwisst, wu'mr billich Seichle kaafe kann. Un kaum waare siewe Jahr v'rheirat, hott'r sich a neies Haus uffstampe glosst.

Alli Leit, wu dr Toni g'kennt henn, die henn bloß mit am Kopp gschittlt, die henn des gar nett glaawe welle. Bis an oo'hnr gfroogt hott:

„Sag mool Toni, wie bischt du zu dem scheene neie Haus kumme? Wo hoscht du des vieli Geld her? Wie du aus dr Schul bischt kumme, hoscht doch kaum dei' Noome schreiw kenne un kaum bis Zehni zähle.“

Jaa, sagt dr Toni: „Des Geld haw ich vum Seihandle, do v'rdien ich 2 Perzent. Wann ich oo' paar Dudlseichle bei dr Raaze kaaf un sie 6 odr 8 Woche fudre tu, gib'ne Gleietränk, Moolke un leeri Milch, noot v'rkaaf ich's Paar um vierhundert Dinar.“

S' Lemche Vatr, der gut Kopprechne hott kenne, hott noot gsagt:

„Harch Toni, dass du Seichle um zwaahundert Dinar kaafscht un um vierhundert Dinar widdr v'rkaafscht, des stimmt. Awr mit denne zwaa Perzent des stimmt nett! Du v'rdienscht 100 Perzent an denne Seichle.“

„Ach was, Perzente hie', Perzente her, hauptsach ich krig's Topplti, wann ich die Seichle v'rkaaf", hott'r Toni gsagt.